

tantanau tamna 'untukai

tantanau tamna cenana 'untukai tia cu matianai, na tisikara tantanau, niarakacaua marurapū matacuvungu. vutunu mataa takuisi tia arumuanū paracasū arapana'ū. ngūkau mataa rarū tia arumuanū mapūnū macu'u karu. rituka mataa takarura, tia arumuanū musuraceni musuvurusai.

cenana isi, tantanau tamna 'untukai, tia pasacarapū ucani vo'orua arumuanū, nguai sua arumuanū pinarupu. ngiau mataa tamcuru, tukupecu nguani manmaan kumakūnū vutukuru. imua, tuki cu nguani tassa tia matipa arumuanū pinarupu. maracocua ngiau mataa tamcuru, mukusa ciciri cakuran, to'urung tuisua cai-pan. movua nguani macancani tasū'ua vutukuru kasa, mataa ucani piacapa, macuvungu matiananai cu arumuanū. cucuru saihi pinarupu sua ngiau, koo miaranau, kuratumuru cu vutukuru na nguain tamna kasa. makananu sua tamcuru? makai ka'anū makasua ma'intasū, 'inmamia ka'anū cu upeni ma'u'ura vutukuru.

tia kusai makananu? tia cu matarava takananga, manasū tia savaiūn! takususurū vo'in tamcuru, pacupungū makasi “'una cu!” cū'urūn kee ngiau, ka'anū 'esi tarakusa 'inia. musakasakau aranai na ngiau tamna kasa mara vutukuru, mapusikarū na nguain takacicini tamna kasa. makasuin cu

ia, makangūcū cu vutukuru na ngiau tamna kasa, sua tamcuru tamna kasa ia, niara'itumuru vutukuru.

marivivini, takutavarū'ū sua ngiau, 'esiava tumatiara'ū sua tamcuru. arakuracū makasi, tamcuru! narisūvū kasu! ka'anū cu ku tia arumuanū kasua. makasi tamcuru, “ka'anū kasu arumuanū 'ikua, makenanu! arumuanū ku mataa cucumeni.” nakai 'akia cucumeni pakituru arumuanū mataa narisūvū tamcuru. ha! ha! 'akia cau tia arumuanū 'ikua, makasuin, iku sua kuan-cin kisūn! 'esi 'inia tamcuru takacicini purangrang. nakai sua makasia, 'esi cū'urūn kavangvang cai-pan to'urung. marivivini, sua tamcuru ia, 'akia nganara.

avara'e tia matipa makananu arumuanū, tia kita 'apaica cucuru takacicini tamna 'intasū. makasuin 'apaco'e mu'uru'uru nukai reting, matua tia putucauūn na caucau. 'akini kiatuturu na tamcuru, tia pasicuru'ūn macaca caucau.

(文章大意 僅供參考) ※字數限 200 字

森林運動會

今年的森林運動會，增加了一個新的比賽項目－釣魚比賽。花貓和狐狸特別愛吃魚，牠倆就報名參加釣魚比賽。山羊擔任裁判，發給牠們每人一個魚簍，和一根釣魚竿，花貓很會釣魚，不一會兒牠的魚簍就有滿滿的魚。狐狸只釣到了幾條小魚。狐狸趁花貓不注意的時候，把花貓的魚，放到自己的魚簍裡。這一切都沒逃過山羊裁判的雙眼，狐狸得了倒數第一。無論參加什麼比賽，都要憑自己真正的本領才行，不論是冠軍或者殿後，都會受到大家的尊敬。